Universal Declaration of Human Rights - Mende

© 1996 – 2009 The Office of the High Commissioner for Human Rights

This HTML version prepared by the *UDHR in Unicode* project, http://www.unicode.org/udhr.

Dunya Lahi Nuvuu Lonyisia Va

Magona Yepei

A jifa kiliyei na kε numu vuu kpεlεε ti maa hεwulei lɔ towa kpaupau le laha va, tɔnya kεε ndilɛli dunyihu.

A jifa ngawuleehu kee baagbuala nuvugaa ti lonyisia ma ti wanga a pie hindangaa na hii i wotea a nemahugili waa nuvuu ma, dunya ninahu mia mahoingo muvuu i gu i yepe kia ngi longola, kee ngi lanayei kee ngi lima hinda.

A jifa maa ii houni nu mu vuu i wote a ko gomo mahaya nyamu nyamu kee nduwo ya yeya, ke mahoingoe sawei i nuvuu lonyii mavale,

A jifa mahoingo ndiamoyei na ndolesialuahu i leguloma,

A jifa nungei nasia ti ndolei kpɛlɛ ti woyilɛi na hu ti lanaya gɛnga kɔlɔ yayilingɔihu,

Kεε nuvuu lonya, ngi nuvuu ya, ngi yeyei keε hindui taa nyahii ti lonyei maahewu lei, kee gboma ti ti lia yilinga ko yange yange kee ndevu yekpe la i le quloma.

A jifa ndɔlei nasia ti dunyi hu ti lahei wumbua a ngoyila kɔɔ ti tɔ kɛ baagɔ ma a yεlɔ na nuvuu va kεε ngi lɔnya ya va,

A jifa kiliyei yaa numu kpɛlɛhu hinda yayilingɔi ji a lɛlɔ gulɔma,

Fale naa

Komεwai na ta toli a

Genela Asembili

Ndεnga Υε

Dunya Lahei ji nuvuu lonyinsia va i wote a naiki numui kpelee kee ndolei kpelee va nahii ke numu gbi oo ngoyila hugbate gbi na hinda yayilingoi ji ngi enmahu kpotu i lapi kpugu kpugu a numu gaalahu wie i to ke bagooma iye tonei jisia ma kee hugbemboi jisia nungei nasia weti yei ndoo kpele hugbatai ji hu, kee nasia ti ndolongaa hu nahi tii yee ndolo kpele hugbatei jisia bu.

1. Ngayilii Ye Ngilei

Numuvuisia Kpɛlɛɛ ta ti le tɛ yɛ nduwɔ ya hu, tao ti nuvuu yei kɛɛ ti lɔnyi maa hɛwungɔ. Kiiya kɛɛ hindaluahu gɔɔla a yɛlɔ ti hun. Fale mahoungɔ ti ti nyɔnyɔhu hoi kia ndeegaa.

2. Ngayilii Ye Fele Yei

Hugbatei ji numu kpelee lo va, nu genyei, ngi luwu yegii, nyaha oo hindgo, nu layia, Ngewoi na a feli, ngi gilii yei, ngi le gi kee ngi gbate ii ma.

Tao maa ii houni nduahu ge i waa nungaa luahu jifa tii gbuani ndolo yilahu, oo jifa tia heini ti yekpe va oo tii yekpe va.

3. Ngayilii Ye Sawa Yei

Nuvuu gbi ngi lonya mia koo ndevu i ye ngi hu, koo aa ye nuu bu, tao koo mahungbee i ye ngi ma.

4. Ngayilii Ye Naani Yei

Maa ii houni ti numu gbi hou nduwoya hu, οο ti ngi waa monεmonε hinda hu, maa ii houni nuu maajia va nduwoya hu, tao gboma mahoungo nduwoyei ye keyi kgbi lekee i gboyo.

5. Ngayilii Ye Loolu Yei

Maa ii houni kɔɔ ti kpaagba hinda la nuu gbi ma, tao kɔɔ ti hinda wee a numu na a kε kε nuvuu yaa a ngie.

6. Ngayilii Ye Weita Yei

Nuvuu gbi lee ngi lonya mia koo sawei i baagoo ngi nuvuu ya ma mia leke gbi.

7. Ngayilii Ye Wofila Yei

Nuvuu kpɛlɛɛ ti maahɛwungɔɛ sawei gulɔ, tao mahoungɔ sawei i ti mahu wɛɛ nahi gbi ɛɛ ti hu wɔyɔ. Mahoungɔ sawei i tɔ kɛ hugbatei ji ɛɛ numugbi gbukpuu.

8 Ngayilii Ye Wayakpei

Nuu qbi ngi lonya mia koo sawa kpaambu ngaa yekpe ti ngi lonysi mavale a watii na ngi lonyi nasia ndoo jawei keni numu a nyani ngi ma.

9. Ngayilii Ye Taalui

Maa ii houni ti numu magba, ti ngi wu kpegbema 22 ti ngi gbe ngi yee a baama hu we.

10. Ngayilii Ye Puui

Nuu gbi ngi lonya mia nahii ti la nyongaa ngi ma tɛ i ngi maahinda gulanga kolɛhu ɔɔ i sawa kpoukpou nyaninga, koɔ ti ye njie na le fofohu, tao koɔ sawakpambu jein jein gongaa ti loo ngi va.

11. Ngayilii Ye Puu Mahuyelei

- 1. Nuu gbi ngi lonya mia nahi ti la nyongaa ngi ma hinda ngamu va, taa kiti lewe haani ti ye njie na le fofohu, tao ti jia a sawe panda pandaa.
- 2. Maa ii houni ti baa nuu gbi ma a sawahu wee ndoo yila jawa yo oo ndunya kpɛlɛɛ jawa. Tao gboma maa i houni sawei i kpagbaa la nuu ma na kaahu lewengo sawei na ma i nyanini.

12. Ngayilii Ye Puu Mahufilei

Maa ii houni nuu i yε na nahi ta loko wili ngi bundu hinda hu, ngi ye pεεbu hinda, kɔlei kεε ngowili na a pili ngitiwoma kia lee ti longɔla, kεε kakpama a baagbuama hu we. Maa houngɔ sawei i nuu gbi maawεε yεε kakpamεi ji bondayeya.

13. Ngayilii Ye Puumahu Sawei

- 1. Mahoungo numu gbi i ye hugbembo hu koo i li mia leke gbi ngi longo i li na, tao koo i hei ndoo gbi leke hu ngi longo i heihu.
- 2. Nuu gbi ngi lonya mia koo i gbua ndolo yila hu i li peka hu, i wee a ngi yee oo mbaa tinda, tao koo i yama ngi ndei na hu mia i gbuanina.
- 14. Ngayilii Ye Puumahu Naanii
- 1. Nuu gbi lonya mia koo i ngi yaama lowu kakpama yeye ndoo yεka hu, tao koo i nganei gbuana.
- 2. Ye sawei ji ɛɛ lɛkpɛ qbi naleke ye numui ji i ndɔlɔ jawa nyanini, tao i hinda qbulaninga na ndɔlɔ woyila hugbatɛi i loila.
- 15. Ngayilii Ye Puumahu Looli

- 1. Nuu gbi lənya mia kəə i wote a ndələlii.
- 2. Maa i houni kəə ti nuu gbi baa a ngi ləlii ya, əə kəə ti ngi baa a ndələlii ya ndəə yekahu.
- 16. Ngayilii Ye Puumahu Weitei
- 1. Hindui taa nyahii na ti lakpango ta soowelo ti ndengaa le, ti genye ii yeni bee yila, tii yeni bee a ndolo yila hunblaa, oo Ngewo veli gbambi yila ma. Ti lonye maahewungo soova, soohu, oo ji ta lo ti gole.
- 2. Koo hindui taa nyaha ti soowee, a nee pein ti veinja we.
- 3. Bondei mia ndɔlei yei kpɔkui le, fale maahoungɔ heimii kɛ ndɔlɔ gbi ti bondei mahu gbɛɛ kpɔtu kpɔtu.
- 17. Ngayilii Ye Puumahu Woilei
- 1. Nuu gbi lənya mia kəə i ngi wuma haakangaa majəə, tao gbəma kəə taa nungaa ti makpəma haaka majəə.
- 2. Tɛ nuu gbi haaka gbua ngi yeya kia leke ti longɔla.
- 18. Ngayilii Ye Puumahu Waykpei

Nuu gbi loga mia koo i kiiya wee, koo i giila gboo tonyai le oo gboo i lonyani, Ngewoa ye gboo ngi longo i feli, ye tonye ji a ngi jein jein lo koo i ngi giliyei oo ngi yewoveilei wote, I wote baa atayakpe oo taa nungaa, fofohu oo sokuma, koo i nungaa gaa a ngi ngliyei kaa ngi yewo hindei.

19. Ngayilii Ye Puumahu Taalui

Nuu gbi lɔnya mia kɔɔ i kiliya wee tao kɔɔ i yee kiiyeina le fofohu, yee tɔnyεi ji a peelɔ yee kiiyei ji nuu gbi εε gbekpa kulɔ, tao kɔɔ i nemahulee kεε ngowii majɔɔ tao kɔɔ ta bɛɛ i fe nungaa wε a pele gbi hu we, nahi bandowoma gbi εε waa nduahu.

- 20. Ngayilii Ye Nugboyongoi
- 1. Nuu gbi lonya mia koo taa nungaa ti gome, tao koo taa teini ti lee, i na lee hinda huwu va ii le.
- 2. Tee nguaa numu gbi la a kpoli hale koo i wote a kome ma mo.
- 21. Ngayilii Ye Nugboyongo-Mahuyelei
- 1. Nuu qbi lonya mia koo ngi loko i ye ngi quameti hindeihu, ke bee ta vulii i yehu oo nungaa tia vulii ta lokoloo ti ma.
- 2. Nuu gbi lonya mia koo ngi loohu quameti hugbate wie ngoisia ti hiti ngi ma kia lee ta hiti nungaa ye pekeisia ma.
- 3. Nungaa mia maahoungo ti ti guameti hei, ti gbayei mia a pie a yenge, hulembinga ta yamalo ti kolei gula, tao ye kolei ji a kgula bunduhulo, nahii nungbi ee gbekpa numu gulo.
- 22. Ngayilii Ye Nugboyongo-Mahufelei

Numu gbi lee ndɔlɔlii a ngie, ngi lɔlei kpɔma hugbatɛ wie ngi va, tao kɔɔ ngi lɔlei taa ngitiwoma hugbatɛ ti pee ye kpɔma hugbatei na i foo ngi ma, tao a majɔɔlɔ kialeke ngi lɔlei gbatɛi kɛɛ ye saweisia ti na, gbɔma kia lekee ye numui bɛɛ ngi hami gii na, kɔɔ wei i lɛgulɔ.

- 23. Ngayilii Ye Nugboyongo-Mahusawei
- 1. Numu gbi lanya mia kaa i yenge, tao kaa i ngengei na wie ngi longala, kaa i mbalahei majaa ngengemai, tao kaa ti ta kangengei εε ngi lo.
- 2. Numu gbi lənya mia, nahii nduahu gbiima, kəə ti ngi pawa kia a yenge la.
- 3. Ngenge mogbi lonya mia koo ti ngi pawa nahii ta kee ngi mablaa ta ti magbee gbualo hu kia nuvu, tao gboma koo kpoma yeka i yena ngi va.

- 4. Ngenge mogbi lonya mia koo i wili hugbatehu na ngenga blaa ma vale.
- 24. Ngayilii Ye Nugboyongo-Mahunaani

Ngenge mogbi lonya mia koo i levu tao koo i kpele yeka gbua, tao gboma koo aa ngenge huguango waa wie, mahoungo gboma i yaa a ndevu wati majoo, nahi i yaa ye ndevui na wie ma ta yaalo a ngi pawa.

- 25. Ngayilii Ye Nugboyono-Mahuloolui
- 1. Numu gbi lɔnya mia kɔɔ ta kɛɛ ngi mablaa ti yɛ kaahugbua hu, ti mɛhɛɛ yekpe mɛ, ti kula yekpe yili, ti la ndama yekpe, ti hale yekpe majɔɔ, tao gbɔma guamɛti i ye na ti va, hugbatɛ yekpe i yena ngi va a watii na ɛɛ yɛ ngege hu, a watii na ngi heigɛngɔ, watii na ngi wovang, kɛɛ watii na hinda a wa ngi mahu nahii εɛ gumbu.
- 2. Mahoungo gboma hugbate i yε na kuimεisia kεε ndengaa va. Mahoungo ndengaa kpɛlɛɛ, naa ti kɛ taa ti njeni ti soohu oo tii soohu, ye hugbatei ji i ti maa wεε.
- 26. Ngayilii Ye Nugboyongo-Mahuweitei
- 1. Numu gbi lonya mia koo i kolo gaa. Maa ii houni navoo hinda i ye kologaala ma, ke bee i wote a ye totomei. Mahoungo kolo gaalei i wote a sawa kpawu na ndo gbi e gbuama ye totoomi. Nyandengo koo ngenge kolongaa i yna kpoto, kee kolo yalngo gaalei naa ya ti nemabu lewengo.
- 2. Kɔlɔ gaalei i wote a hinda na a nuu lɛ gulɔma, ngi lɔnyisia kɛɛ ngi hugbɛmboi. I loko hei hinda yawubu gɔɔla, hinda bu houla kɛɛ ndiamɔya dunyei kpɛlɛɛ luahu, kɛnyɛisia kɛɛ Ngewɔ vɛli gbambisia luahu, tao kpaya waalɔ ndɔlɔ kpɛlɛ woyila yenge lukuisia hu kɔɔ ndilɛli i li gulɔma.
- 3. Bondeisia ti wote a haala bla ta kɛ na kaa ye gbɔɔ ti leingaa ta pee.
- 27. Ngayilii Ye Nugboyongo Mahuwofilei
- 1. Numu gbi lonya mia koo ngi loko i ye mia a yena ye kondi hinda hu, i ngaa nee ye ye mbembei hu kee sayensi ye tekulomii taa ye nafei.
- 2. Numu gbi lonya mia koo mahugbee kpotu kpotu i ye ngi gbate hani ma, i ye a ngole oo hani lalango oo sayensi haaka.
- 28. Ngayilii Ye Nugboyono Mahuwayakpei

Numu gbi lɔnya mia kɔɔ ngi yee jawa kεε ngitiwoma gee i yɛna, na a tɔ kε dunya lahei jisia ta hitilɔnga.

- 29. Ngayilii Ye Nugboyongo Mahutaawui
- 1. Numu gbi lee, mia i heina, tao a lɛna gulɔma, mahouingɔ i na hinda hou a loko veinja.
- 2. Ji numu a yɛ ngi lɔnyei kɛɛ ngi hugbɛmboi ya yenge ma, na lee a wote a kpɛɛnguu a wee a saweilɔ naa a nuu wɛkeisia ti lɔnyei kɛɛ ti hugbɛmboi ma vale, kɛɛ numu kpɛlɛ ti maahinda va ngoyila lɔɔhu.
- 3. Numu ɛ ye tɔnyei jisia kɛɛ hugbɛmboi jisia yayenge nahi kpuangɔ pilei na ma, tao gbɔma ɛɛ pindɛ kaa na wooma na ndɔlɔ kpɛlɛ gomɛi ti ndani.
- 30. Ngayilii Ye Numuqboyongo Mahupuui

Gbewogbe gbi na kolei ii hu na nu mu a nde ye kenga ti puilo na koo i ndolo oo nqoyila hugbate leenga ti lonyei kee ti hugbemboi mahugbua.